

Camaridium vinosum Schltr., nov. spec.

Epiphyticum, ut videtur subpensile, validum, usque ad 55 cm longum; rhizomate cauliformi, vaginis imbricantibus oblecto, distanter pseudobulbis obsesso, lateraliter paululo compresso, c. 8 mm lato; radicibus basilaribus tantum, filiformibus, flexuosis, tenuibus; pseudobulbis 6—8 cm inter se distantibus, ovalibus, compressis, unifoliatis, latere utrinque vaginis 1—2 foliiferis primum protectis, 1,7—2 cm altis, medio fere c. 1,5 cm latis, ancipitibus; foliis erecto-patentibus, anguste ligulatis, obtusis, basin versus sensim paulo angustatis, subcoriaceis, 10—15 cm longis, medio fere 1,2—1,6 cm latis; inflorescentiis ex axillis vaginarum caulibus 1—2-nis natis, unifloris; pedunculo vaginis amplectentibus oblecto, c. 3 cm longo; bractea elliptica, breviter acuminata, ovarium amplectente et paulo excedente; flore in genere inter mediocres, glabro, fide collectoris rubro-vinoso; sepalis ligulato-oblongis, valde acutis, 1,6 cm longis, lateralibus obliquis, cum pede columnae mentum brevissimum formantibus; petalis oblique et anguste lanceolatis, acutissimis, 1,4 cm longis; labello brevissime unguiculato, supra basin manifeste trilobo, ima basi callo parvulo oblongo donato, explanato 9 mm longo, inter apices loborum lateralium divaricatorum c. 12 mm lato, lobis lateralibus oblique lanceolatis, acutis, intermedio ovato, concavo, obtusiusculo, apice ipso appendice subulata infracta donato, 5 mm longo, basi lata c. 5 mm lato; columna semitereti, glabra c. 4 mm longa, pede 2,5 mm longo; ovario triquetro, glabro, c. 1 cm longo.

Costa Rica: Lisières des bois humides, Distrito Volis de San Ramon, alt. 1270 m — A. M. Brenes no. 234, I. 1922. Fleurs de couleur rouge clair vineux.

Eine sehr interessante Art, die wohl am besten dem *C. nutantiflorum* Schltr. zur Seite gestellt wird. Von ihm sowohl wie von allen anderen Arten ist sie unterschieden durch den eigentümlichen, nach innen zurückgeschlagenen, pfriemlichen Fortsatz an der Spitze des Labellums. Ein ähnliches Gebilde kenne ich bei keiner anderen Art der Gattung. Die Gestalt der Lippe ist ebenfalls charakteristisch durch die spreizenden, spitzen Seitenlappen.